

Ո Ր Ո Շ ՈՒ Մ N 144
վարչական տույժ նշանակելու մասին

<30> հոկտեմբերի 2018թ.

ք.Գյումրի

Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության պետ Կարեն Մանուկյանս, քննելով Բաղդասար Հակոբյանի (անձն.՝ AS 0331389, հասցե՝ Արմավիրի մարզ, գ.Ապագա, 8-րդ փող., տուն 78) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Բաղդասար Հակոբյանի անվամբ 05100022/200818/0000254786 մաքսային մուտքի օրդերով 30 օր ժամկետով՝ մինչև 19.09.2018թ., Հայաստանի Հանրապետություն է ներմուծվել 2000թ. արտադրության FORD-MONDEO մակնիշի, 4073BFC պետհամարանիշի ավտոմեքենա: Սահմանված ժամկետում նշված ավտոմեքենան չի արտահանվել, որի արդյունքում խախտվել է հետադարձ արտահանման պարտավորությունը:

Գործում առկա նյութերի ուսումնասիրությունից պարզ է դառնում, որ մաքսային մուտքի օրդերի 6.9 սյունակում նշված է ժամանակավոր ներմուծման վերջնաժամկետը:

ՀՀ ՊԵԿ Հյուսիսային մաքսատուն-վարչության Բավրայի մաքսային կետ-բաժնի 1-ին բաժանմունքի պետի կողմից 04.10.2018 թվականին Բաղդասար Հակոբյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներով: Գործի քննությունը նշանակվել է 2018թ. հոկտեմբերի 30-ին, ժ.11:00-ին, որի մասին վերջինիս ուղարկվել է ծանուցագիր:

Մաքսային միության մաքսային օրենսգրքի 281-րդ հոդվածի 1-ին մասի համաձայն՝ «Ժամանակավոր ներմուծում (թույլտվություն)» մաքսային ընթացակարգի գործողությունը եզրափակվում է՝ մինչև ժամանակավոր ներմուծման ժամկետը լրանալը ժամանակավոր ներմուծված ապրանքները սույն Օրենսգրքով նախատեսվող կարգով և պայմաններով «վերաարտահանում» մաքսային ընթացակարգով ձևակերպելու միջոցով:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված

ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Ավտոմեքենայի մաքսային արժեքն՝ ըստ մաքսային մուտքի օրդերի կազմում է 604.846 ՀՀ դրամ, որի «Բաց թողնում՝ ներքին սպառման համար» մաքսային ընթացակարգով հայտարարագրման դեպքում կառաջանան մաքսային վճարներ 314.520 դրամի չափով:

Այսպիսով, վարույթի նյութերով հիմնավորվում է, որ Բաղդասար Հակոբյանը սահմանված ժամկետում չի վերաարտահանել 05100022/220818/0000254786 մաքսային մուտքի օրդերով ՀՀ ներմուծված ավտոմեքենան, ինչով պայմանավորված թույլ է տվել ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար Բաղդասար Հակոբյանին ենթարկել վարչական պատասխանատվության՝ տուգանելով 314.520 դրամ մաքսային վճարների 50 տոկոսի չափով՝ **157.260** դրամ:
2. Որոշման մասին հայտնել Բաղդասար Հակոբյանին՝ պարզաբանելով, որ այն օրենքով սահմանված երկամսյա ժամկետում կարող է բողոքարկվել վերադաս մաքսային մարմին (ք.Երևան, Մ.Խորենացի 3/7) կամ դատարան:

Սույն որոշմամբ նշանակված տուգանքի վճարման հաշվեհամարներն են. 900005024055՝ գումարի 70% և 900213204010՝ գումարի 30% (ՀՀ պետական բյուջե, կենտրոնական գանձապետարան, Հյուսիսային մաքսատուն-վարչություն, ԿՈԴ 28):

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



Կ.ՄԱՆՈՒԿՅԱՆ